



Projet promovût di 'La Vôs dai Furlans' e 'ARLeF'

Lu saveviso che...?

Fruts, quale ise stade la vuestre prime peraule? Par cualchidun di voaltris sigûr e je "mame". Un non dolç e plen di afiet par une persone speciâl che ancje se si lu dîs in altris lenghis al reste biel compagn: "mamma" par talian, "mum" par inglê, "maman" par francês, "mama" par spagnûl e ancje par cinês!



Cheste domenie e je la **Fieste de Mame**, une zornade par fâur fieste a dutis lis mamis, ma soredu a chê plui speciâl di dutis: la vuestre.

Daria e Bete nus insegnin...



Daria nus conte tantis curiositâts su lis nine nanis e nus insegne dôs par furlan!

Cjalin insiemi la pontade di Maman! "Nine nane" su




Quale ise la prime peraule di un vulcan? Magme!

## cumò fâs tu!

Trops vulcans viodistu? Cjale ben e colore il numar just.



4 2 5



LES IMAGINS A SON GIMADIS FÛRDI HTTPS://ITEREPEK.COM - HTTPS://PKABAY.COM - HTTPS://ARLEF.IT

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

## STELIS E LUSIGNIS

Noa



**Roc.** Tu sês sflandorôs, plui tal lavôr che no tal amôr.



**Taur.** Lis stelis no ti judin e dentri di te ti fasin ingrumâ une vore di pinsîrs bruts.



**Zimui.** Tu preferissis no fevelâ cun chei altris dai tiei problemis. No je la strade plui comude.



**Gjambar.** Viôt di vê plui cure dal to cuarp. Tal lavôr, sclarissiti cui coleghis suntune cuistion che e je restade ingropade.



**Leon.** La int par denant ti riduce e par daûr e fevele mâl di te. No stâ a cjapâte e mostre di jessi plui fuart di duçj.



**Vergjine.** Tal lavôr tu stâs frontant cuistions imberdeadis, ma tal amôr e je dute une altre musiche.



**Belance.** Tu stâs frontant cuistions une vore griviis in famee, no stâ a imponi masse il to volê.



**Sgarpion.** In amôr tu stâs une vore ben cu la persone che tu âs dongje. Chest ti fâs vivi in ligrie.



**Sagjitari.** No stâ a cirî lusignis e reste cui pîts par tiere, come che tu âs za fat timp indaûr.



**Bec di mont.** Il cjâf al svole indaûr tal timp. Tu ti impensis di personis che no tu viodis di un pieç; e je ore di clamâlis.



**Agarûl.** Sta plui dongje di fradis e amis, parcè che a podressin dâti il consei just.



**Pes.** Tal lavôr tu rivis a meti in pratiche lis tôs cognossincis e i coleghis ti disin graciis.

